arriuez, Iapelle cela vne gde. grace pour eux car vous fcauez la malheureuse vie quil mene dans leur pays et le Rd. Pere Chrestien Recollet qui est pour la plus part du temps come vous scauez aux pays des Gaspessiens qui les Instruit auec vn tres gd. zele, me difoit, il y a quelques Iours quil ne fouhaittoit qu'vne feule grace pour ces pauures Gafpessiens qui est de les voir venir dans nostre mission ou il les y portoit tant quil pouuoit. ceux qui font icy de cette nation y font bien. por. les soquoquis dont ie connois le naturel Inconstant et qui font fort portez a Lyurongnerie iay cru que ie nen deuois receuoir aucun icy fans en faire vn gd. choix et que nostre mission nest pas encore assez establie dans La pieté chrestienne pour admettre cette forte de messange qui dans les Comencemens gaste quelques sois tout Iauois propofé il y a quelques temps icy de faire vne mission volente de temps en temps ches ses soquoquis et ches les Algonquins des trois Riuieres ien connois defia la plus part et ie crois quau bout de deux ou trois petites missions on verroit quelque fruit, mais il est bien difficile de quitter cette Mission maintenant pour faire ces fortes de voyages, peut estre que le temps viendra pour la conuersion de ses autres, comme il est venu pour la Conuersion des Abnaquis Recommandes les ie vous prie a nostre Seigr. afin quil accomplife en eux fon ft. ouurage. Ie ne vous mande rien de nouueau de nos Anciens Chrestiens que vous auez Laissé icy ie nen vois aucun qui se Demente, finon vn Certain Nichaberet nepueu de nostre Capitain qui ses retiré depuis deux ans chez les Soquoquis

Outre les occupations que ie vous ay desia marqué